



Andreas ex honesta familia natus à teneris annis philosophiæ naturali, atque Medicorum libris operam dedit, & in uirum doctissimum sui temporis euasit. Veneratis ad Concilium Basiliense, ut cum uiris doctissimis conferret, atq; Medicinam exerceret. Cum autem eius eruditio innotuisset, iussu Cæsaris Aeneas Sylvius ei Doctoralia insignia magna solennitate contulit. Erat autem is non tantum eruditione, sed etiam maxima pietate, & in exercenda re Medica summa fœlicitate preditus. Hinc factum ut omnes propè superioris Germaniæ príncipes eum ueluti praesidium & numen quoddam suæ salutis colerent & uenerarentur, ita ut eius tutelæ sese penitus commendarint. Postea eum quoq; Fridericus Cæsar, & Pius pontifex, eiusq; successor Paulus secundus Medicum suum elegerunt. quibus omnibus tanta diligentia consilia dabat, ut omnes eum patris instar diligenter & obseruarent. Hinc etiam factum, ut sæpius pro unius morbi depulso periculo príncipes ei mille aureos & amplius numerarint, ita ut maximas opes, quas tamen aspernabatur, collegerit.